



ԵԿԵՂԵՑԱԿԱՆ ԲԵՄ. ԼՈՒՐԵՐ

Օգոստոսի 3-ին, չորեքշաբթի.—Այսօր, առախոտյան, վեհափառ Հայրապետը մեկնեց Կիպրոսի կղզու հանգստանալու «Կրասնի կամնի» առողջարանում:

Հայոց Հայրապետին ողեկցում էր Նոր Նախիջևանի և Ռուսաստանի հայոց թեմի առաջնորդական փոխանորդ տ. Տիրան վրդ. Կյուրեղյանը:

• • •

Օգոստոսի 7-ին, կիրակի.—Այսօր Մայր տաճարում քահանայական իր առաջին ա. պատարագն է մատուցում տ. Ավագ արքեպիսկոպոս Ասատուրյանը և «Հայր մեր»-ից առաջ քարոզում՝ «Քեզ ասեմ, արի ա՛ն զմահիճս քո՝ և երթ ի տուն քո» (Մարկ. Բ 11) բնաբանով:

Հավարտ ա. պատարագի կատարվում է հոգեհանգստյան մասնավոր պաշտոն՝ Կիպրոսի հանրապետության նորոգ հանգուցյալ արքեպիսկոպոս Տ. Մակարիոս արքեպիսկոպոսի հիշատակին:

Այս տխուր առիթով, Ամենայն Հայոց վեհափառ Հայրապետը օգոստոսի 5-ին ֆետկյալ ցավակցական հեռագիրը ուղար-

կեց Կիպրոսի Հունաց արքեպիսկոպոսա-րան.

**Սրբազան տեղապան
Քրիստոսոմոս Փաֆու.**

Հայ եկեղեցու անունից, խորը վշտով Մեր ցավակցություններն ենք հաշտնում Կիպրոսի հանրապետության նախագահ Մակարիոս արքեպիսկոպոսի վաղաժամ մահվան առթիվ:

Նրա հիշատակը պայծառ կմնա հայ եկեղեցու և հայ ժողովրդի հիշողության մեջ իբրև բացառիկ դեմքի և իր ժողովրդին նվիրված մեծ առաջնորդի: Աղոթում ենք առ Աստված՝ նրա արդար հոգու խաղաղության և լուսավորության համար:

Կիրակի, օգոստոսի 7-ին, ա. Էջմիածնի Մայր տաճարում հանդիսավոր հոգեհանգիստ կկատարվի տ. Մակարիոս արքեպիսկոպոսի հոգու հանգստյան համար:

Վ.Ա.Զ.Գ.Ե.Ն. Ա.

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

5 օգոստոսի 1977 թ.

* *

Օգոստոսի 14-ին, կիրակի.—Վերափոխումն ա. Աստուածածնին.

Այսօր Մայր տաճարում, մեծ տոնի առիթով, հանդիսավոր ա. պատարագ է մատուցում տ. Արսեն եպ. Բերբերյանը և «Հայր մեր»-ից առաջ քարոզում՝ «Խնկի ծառի նման ես, քարի պտուղ բերեալ ես, պտուղ դու քաղցրահամ ես, Աստուածածին մեղալքեզ» տաղի բնաբանով:

Այս առթիվ Մայր Աթոռ ուխտի էր եկել հավատացյալների հոծ բազմություն՝ ներկա լինելու օրվա հանդիսություններին, ստանալու համար հոգևոր մխիթարություն և բերկրանք:

Հավարտ ա. պատարագի, տ. Արսեն եպիսկոպոսի նախագահությամբ «կատարի օրհնությունն խաղողոյ» կարգը:

* *

Օգոստոսի 15-ին, երկուշաբթի.—Յիշուումակ մեռելոց.

Այսօր Մայր տաճարում ա. պատարագ է մատուցում տ. Նշան քնն. Բեյլերյանը:

Հավարտ ա. պատարագի կատարվում է հոգեհանգստյան պաշտոն՝ «վասն համօրէն մեռելոց»:

* *

Օգոստոսի 21-ին, կիրակի.—Այսօր Մայր տաճարում ա. պատարագ է մատուցում տ. Մովսիկ վրդ. Սարգսյանը և «Հայր մեր»-ից առաջ քարոզում՝ «Մեր սիրեցուք զԱստուած, վասն զի նա նախ սիրեաց զմեզ» (Ա. Հովհ. Դ 19) բնաբանով:

* *

Օգոստոսի 27-ին, շաբաթ.—Այսօր Կիւլովողակից Մայր Աթոռ վերադարձավ Վեհափառ Հայրապետը՝ «Կրասնի կամնի» առողջարանում շուրջ մեկ ամիս հանգստանալուց հետո:

Վեհափառ Հայրապետին ողբեցել էր Նոր Նախիջևանի և Ռուսաստանի հայոց թեմի առաջնորդական փոխանորդ տ. Տիրան վրդ. Կյուրեղյանը:

* *

Օգոստոսի 28-ին, կիրակի.—Այսօր Մայր տաճարում ա. պատարագ է մատուցում տ. Մասիս վրդ. Գալստյանը և «Հայր մեր»-ից առաջ քարոզում հավոր պատշաճի:

Ա. պատարագին ներկա էր Վեհափառ Հայրապետը:

ՔԱՀԱՆԱՅԱԿԱՆ ՁԵՌՆԱԴՐՈՒԹՅՈՒՆՆԵՐ ՆԵՐՔԻՆ ԹԵՄԵՐԻ ԵԿԵՂԵՑԻՆԵՐԻ ՀԱՄԱՐ

1977 թվականին էլ, Վեհափառ Հայրապետի բարեհաճ արտոնությամբ, կատարվեցին քահանայական մի քանի ձեռնադրություններ ներքին թեմերի եկեղեցիների համար:

Քահանայական թեկնածուները որոշ ժամանակով իրենց ուսումը կատարելագործեցին հոգևոր ճանապարհի մասնավոր դասընթացներում՝ ձեռք բերելով եկեղեցագիտական, ծիսապաշտական և շարականագիտական անհրաժեշտ գիտելիքներ:

Նախապատրաստական այս աշխատանքներից հետո թեկնածուներն իրենց մտավոր պատրաստության մասին քննիչ հանձնաժողովի առաջ քննություն հանձնեցին: Քննիչ հանձնաժողովի դրական վկայությունից հետո, Վեհափառ Հայրապետը բարեհաճեց արտոնել ընծայացուների ձեռնադրությունը:

Նորոգծա քահանաներն են.

1.—Տեր Ներսես քնն. Տեր-Ներսիսյան. որը Արարատյան հայրապետական թեմի

առաջնորդական փոխանորդ տ. Կոմիտաս արքեպիսկոպոսի ձեռամբ Երևանի ա. Սարգիս եկեղեցում քահանա ձեռնադրվեց՝ Կամո քաղաքի ա. Աստվածածին եկեղեցու համար:

2.—Տեր Դավիթ քնն. Զեվեյան, որը վրահայոց թեմի առաջնորդ տ. Գևորգ եպիսկոպոսի ձեռամբ ա. Հոփսիսիմե վանքի եկեղեցում քահանա ձեռնադրվեց՝ Թբիլիսիի հայոց ա. Էջմիածին եկեղեցու համար:

3.—Տեր Տիրատուր քնն. Կարվանյան, որը Շիրակի թեմի առաջնորդ տ. Նարեկ եպիսկոպոսի ձեռամբ Լենինականի ա. Աստվածածին եկեղեցում քահանա ձեռնադրվեց՝ Կիրովական քաղաքի ա. Աստվածածին եկեղեցու համար:

Հիշյալ նորոգծաներն իրենց քահանայական քառասունը անցկացրին Մայր Աթոռում և այս մեկնեցին իրենց պաշտոնատեղիները՝ նվիրվելու իրենց հոգևոր սպասվորության գործին: